

մետասան փառաւոր շիրմացն որք կան և մնան մինչեւ ցայսօր և մնասցեն դեռ ցյաւրտեանս ժամանակաց, ցորձափ շէն և կանգուն մնայցէ սրբավայրն այն հնօրեայ, գտանին ինկելի շիրիմք եղբարցն Յովսեփայ և Զարբրիայի Բարաղամ Ծահւրիմանեանց, որք յառատ զանձուց իւրեանց մեկենասք հանդիսացան բազմածախս տպագրութեան Զամչեանի կոթողային եռահատոր պատմութեան Հայոց, որ յետ Խորենացոյն լեալ է և դեռ մնացէ միակ ամբողջական պատմութիւն ազգիս, սկսեալ ի Հայկայ ցվերջ 18րդ դարուն:

Օրհնեալ եղիցին յիշատակք անմահ և ոսկեծեռն Բարբերարացն: Խնկովք անուշիւք և դափնեօք անթառամօք պաշտեսցին շիրիմք մեկենասացն որք ետուն անգուգական և անգերագանցելի պատմութիւն պաշտելի նախահարց իւրեանց:

Օրհնեալ եղիցին և քաղցր յիշատակք ազնուազարմ և քաջատոհմիկ Ծահրիմանեանց, որք ուր և զնացին փայլեցան և փայլեցուցին զանուն Հայութեան յասպարիզին վաճառականութեան, մեծագործութեամբք իւրեանց և հայկական բնածին հանճարով իսկ, թէ՛ ի Վինետիկ, թէ՛ ի Վիեննա և թէ՛ ի Լիփզոնոյ, ի Տփղիս, և ի Մոսկով, յԱմսդերտամ և թէ՛ աստ ի Կալկաթա և անդ ի Մատրաս Հնդկաց:

Այլ դու եկ և ընդ տգիտութիւն հայ-

րենակցաց նոցին Նոր-Չուղայեցոց զարմացիր, զի դրդեալ ի կրից չար նախանձու և դառն ատելութեան և կուրացեալ մուրհանդութեան կործանարար ախտիւ, ելին նգովեցին գտոհմն Ծահրիմանեանց, իսկ վասն ռ՞ր յանցանաց նոցին արդեօք, միայն թէ վասն կաթողիկէ դաւանութեանն որում պատկանէին նոքա, սկսեալ ի Հին-Չուղայէն: Ծահրիմանեանք գոլով դաւանակից Հոովմէական եկեղեցւոյ, զօրավիգ պաշտպանք և ջատագովք հանդիսանային օտարազգի կաթողիկ հոգեւորականացն, որք եկեալ՝ վանս, եկեղեցիս և դպրոցս հաստատեալ էին թէ յԱսպահան՝ և թէ ի Նոր-Չուղա², յայն սակա նգովից ենթարկեցան և հալածեցան ի հայրենակցաց իւրեանց Լուսաւորչականաց:

Յամօթ և ի յաւրտենական նախատինս խաւարամիր հոգեւորականացն ժամանակին գրեսցին այդ անքրիտոտնէավայիւ արարք նոցին, որովք աղարտեցին զքարի անուն համբաւատենչն Նոր - Չուղայի, պատմութեան յանձնելով զմոլոխանդութիւն իւրեանց չարագուշակ և յաւէտ տխրահուշակ:

Յաւ է ինձ յիշատակել աստանօր զանցս հակառակութեանն որ ի միջի Լուսաւորչական և կաթողիկ ազգայնոց, զի Ստեփաննոս Առաջնորդ³ Ամենափրկչեան սրբոյ վանացն Նոր-Չուղայի, իւրով հոգեւորա-

1. Գտանէին յԱսպահան մայրաքաղաքին երեք, կառուցեալք ի հետագայ կարգաց.

ա. - Լուսիտանացի Օգոստինեանց (Augustiniani Lusitani) ի թաղն Հիւսէյնիս:

բ. - Բոկոտն Կարմելիտեանց (Carmelitani discalceati) ի թաղն Հիւսէյնիս:

գ. - Կապուչինեանց (Capucini) ի թաղն Ղաւաթարօք:

Յ. Իսկ ի Նոր-Չուղա, գտանէին նոյնպէս երեք եկեղեցիք կամ վանք որք էին ըստ հետագայ կարգին:

ա. - Յիսուսեանց (Societas Jesu) յանուն սրբոյն Յովսեփայ:

բ. - Բոկոտն Կարմելիտեանց (Carmel. discalceati) յանուն սրբոյն Եղիայի:

գ. - Գոմինիկեանց (Dominicani).

Կայր և եկեղեցի մի յանուն սուրբ Աւետեաց, կառուցեալ է Ծահրիմանեանց, առնթիւր աղարանիցն իւ-

րեանց, որք անկանէին յարեւելեան կողմն Նազարի պոզոտային, որ մինչեւ ցայսօր կոչի « Գունն Ծահրիմանեանց » (Ծահրիմանեանց Գարվազա), ի միջի եօթն եկեղեցեացն Գոմինիկեան վանքն միայն կայ և մնայ կանգուն ցայսօր, վանահայր և առաջնորդ վանացն զարդիս է Նոր-Չուղայեցի Գերապայծառ Մկրտիչ Վ. Խաչիկ Արզար, այր ազգասէր և ժողովրդասէր, հովիւ քաջ որ զնէ զանձն ի վերայ իւրոյ փոքրիկ հօտին:

Յ. Ստեփաննոս կաթողիկոս Նոր-Չուղայեցի որ նգովեաց գտունն Ծահրիմանեանց, ըստ օրինակի սրբազան հայրապետացն Տիեզերական Ժողովոյն որք նգովեցին զՆեստոր և զայլ աղանդաւորն, չմնաց սակայն զերծ և ազատ յերկնասաց պատուհասից, զի յամին 1697, հրաւիրանօք կաթողիկոսացն Մայր Աթոռոյն Հայաստանեայց, ել զնաց ի Սուրբ Էջմիածին ունել զգահն կաթողիկոսութեան և ընկեցիկ անել զՆահապետ կաթողիկոս, այլ չյաջողեցաւ նստել յաթոռն բազմաչար-